



PARLIAMENT
OF THE REPUBLIC OF SOUTH AFRICA

NTSHA MAIKUTLO A HAO

PITSO BAKENG SA DIKOPANO TSA HO NONYA MAIKUTLO A SETJHABA KOMITI YA POTEFOLIO HO TSA TEMO, MERU LE BOTSHWASI BA DITLHAPI

Ho ipapisitswe le maikemisetsa a sehlooho a Palamente a ho nolofatsa seabo sa setjhaba le ho kenngwa letshoho mekgwatsamaisong ya ketso ya melao, Komiti ya Potefolio ho tsa Temo, Meru le Botshwasi Ba Ditlhapi e tla tshwara Dikopano tsa Ho Nonya Maikutlo a Setjhaba mane Palamenteng ka Bili ya Phetolo ya Dihlahiswa tsa Nnotahi [B10 – 2016], Bili ya Phetolo ya Meru ya Naha [B11 – 2016] le Bili ya Phetolo ya Mello ya Hlaha le Meru ya Naha [B22 – 2016] ka Labobedi, 15 le Laboraro, 16 Phato 2017.

BILI YA PHETOLO YA DIHLAHISWA NTSA NNOTAHI [B10 – 2016]

Bili ya Phetolo ya Dihlahiswa tsa Nnotahi [B10 – 2016] e habile ho fetola Molao wa Dihlahiswa tsa Nnotahi, 1989 (Molao Wa 60 wa 1989), e le ho kenya ditlhaloso le ho fetola mmoho le ho hlakola tse ding; ho etsa hore ho be le ho fetolwa ha mabitso le ho thewa botjha ha Boto ya Diveine le Diseperiti le ho sehela matla a yona moedi; ho etsa hore ho be le ditlhoko bakeng sa biri, jwala ba setso ba Seafrika le dino tse ding tse lomositsweng; ho hlakola pehelo e mabapi le phano ya tumello e mabapi le dihlahiswa tse itseng tsa nnotahi; ho fa Letona matla a ho hlwaya motho ya tlang ho fana ka disetefikeite tsa ho rekisetsa naheng tsa kantle; ho bapisa diphelelo tse itseng le Molaotheo; ho eketsa matla a Letona a ho etsa melao; ho etsa hore ho be le mantswe a sa kgetholleng ho ya ka bong; le ho nehelana bakeng sa dintho tse amehang.

BILI YA PHETOLO YA MERU YA NAHA [B11 – 2016]

Bili ya Phetolo ya Meru ya Naha [B11 – 2016] e habile ho fetola Molao wa Meru ya Naha, 1998, (Molao Wa 84 wa 1998), e le ho fana ka ditlhaloso tse hlakileng tsa meru le dikgwa tsa naha; ho etsa hore ho be le dikantoro tsa batshepuwa ba setjhaba ba mehlodi ya meru ya setjhaba; ho eketsa kgothaletso le qobello ya botsamaisi ba meru bo bolokehileng; ho eketsa metjha eo ho nehelanweng ka yona ka hara Molao ona ho laola le ho lokisa ho fediswa ha meru; ho etsa hore ho be le boipiletso bo etswang tlasa matla a hlwauweng le mesebetsi; ho qobella ditlolo tsa melao le dikotlo; le ho nehelana bakeng sa dintho tse amanang.

BILI YA PHETOLO YA MELLO YA HLAHA LE MERU YA NAHA [B22 - 2016]

Bili ya Phetolo ya Mello ya Hlaha le Meru ya Naha [B22 - 2016] e habile ho fetola Molao wa Mello ya Hlaha le Meru ya Naha, 1998 (Molao Wa 101 wa 1998), e le ho fetola le ho kenya ditlhaloso tse itseng; ho etsa ho be le ho thewa ha diasoseishene tsa tshireletso ya mollo ke masepala kapa lekgotla la setso; ho qobella masepala, khampane ya mmuso, dikgwebo tsa mmuso kapa makala a mang a Mmuso a nang le mobu hore ebe ditho tsa diasoseishene tsa tshireletso ya mollo; ho eketsa matla a ho kena, ho lekola, ho hapa le ho kwalla ho baofisiri ba kgotso le baetapele ba setso; ho fetola sehlooho sa Molao ho ba Molao wa Naha wa Mollo wa Hlaha; le ho nehelana bakeng sa dintho tse amanang.

Batho ba nang le thahasello le dihlopha tse nang le thahasello tse labalabelang ho tshwaela ka Dibili tse boletsweng ka hodimo ba koptjwa ka boikokobetso ho romela diphehiso tse ngotsweng ho Komiti ya Potefolio pele ho Labohlano, 04 Phato 2017. Batho ba nang le seabo ba bile ba na le thahasello ya ho etsa diphehiso tsa molomo ba boetse ba koptjwa hore ba etse kopo e ngotsweng kapa ba ikopanye le kantoro ya rona pele ho Labohlano, 04 Phato 2017.

Mangolo kaofela a lokela ho lebiswa ho **Ms Machwene Rosina Semenya**, Chairperson of the Portfolio Committee on Agriculture, Forestry and Fisheries mme a ngolwe hore a lebile ho Ms Albertina Kakaza, PO Box 15, Parliament of South Africa, Cape Town, 8000 kapa lmeile ho akakaza@parliament.gov.za kapa fekse: **086 694 3529**, mohala: **(021) 403 3765** kapa **083 709 8391**.

E ntshitswe ke: Mme Machwene Rosina Semenya, MP Modulasitulo wa Komiti ya Potefolio ho tsa Temo, Meru le Botshwasi Ba Ditlhapi.

Parliament. Making Democracy Work

www.parliament.gov.za